

Bekalan barangan keperluan cukup sepanjang Ramadan - Ismail Sabri

Hasimi Muhamad, Astro Awani | Diterbitkan pada April 24, 2020 14:45 MYT



Orang ramai dinasihatkan agar tidak bimbang dengan bekalan makanan dan keperluan harian.

PUTRAJAYA: Kerajaan memberi jaminan bahawa bekalan keperluan makanan harian di negara ini mencukupi dan mampu menampung keperluan dalam negara secara berterusan.

Menteri Kanan (Kluster Keselamatan), Datuk Seri Ismail Sabri Yaakob berkata, ia berdasarkan maklumat daripada Kementerian Perdagangan Dalam Negeri dan Hal Ehwal Pengguna (KPDNHEP) dan Kementerian Pertanian dan Industri Makanan (MOA) yang sentiasa melakukan pemantauan bekalan makanan di seluruh negara.

"Semalam penguatkuasa KPDNHEP telah membuat pemantauan harian 25 jenis bekalan di 970 pemeriksaan premis perniagaan termasuk peruncit (753), pemborong (168) dan pengilang (31).

"MOA juga memberi jaminan barang makanan basah seperti sayur-sayuran, daging, ayam dan telur juga lebih daripada mencukupi.

"Oleh itu, orang ramai dinasihatkan agar tidak bimbang dengan bekalan makanan dan keperluan harian bagi menyambut bulan Ramadan kerana ianya dijamin mencukupi," katanya dalam sidang media Perintah Kawalan Pergerakan (PKP), di sini pada Jumaat.

<http://www.astroawani.com/berita-malaysia/bekalan-barangan-keperluan-cukup-sepanjang-ramadan-ismail-sabri-239958>

